

اتوار 26 اپریل، 2026

مضمون۔ مرن دے بعدوں امتحان

سنہری متن: زبور 17 باب 15 آیت

”پر میں تے سچائی وچ تیرا دیدار حاصل کراں گا۔ میں جد جاگاں گاتے تیری شہادت نال سیر ہونواں گا۔“

جوابی پڑھائی: افسیوں 4 باب 1 توں 3، 13، 22 توں 24 آیتاں

افسیوں 5 باب 14 آیت

1۔ ایس لئی میں جیہڑا خداوند وچ قیدی واں تہاڈے اگے التماس کرداواں پئی جیس بلاوے لئی تسی بلائے گئے سی اوہدے لائق چال چلو۔

2۔ یعنی کمال فروتنی تے حلیمی نال تحمل کر کے محبت نال اک دو جے دی برداشت کرو۔

3۔ تے ایسے کوشش وچ رہو پئی روح دی یگانگی صلح دے بنھ نال بنھی رہو دے۔

13۔ جد تیکر اسی سارے دے سارے رب دے پتر دے ایمان تے اوہدی پہچان وچ اک نہ ہو جائیے تے کامل انسان نہ بنیے یعنی مسیح دے پورے قد دے اندازے تیکر نہ اڑ جائیے۔

22- پئی تسی اپنے اگلے چال چلن دی پرانی انسانیت نوں لاه دیو و جیہڑی فریب دیاں شہوتاں دے پاروں خراب ہندی جاندی اے۔

23- تے اپنی سیان دی روحانی حالت وچ نویں بن دے جاو۔

24- تے نویں انسانیت نوں پالو و جیہڑی رب دے مطابق راستبازی تے پاکیزگی وچ پیدا کیتی گئی اے۔

14- ایس لئی اوہ آکھدا اے اے سون والے! جاگ تے مردیاں وچوں جی اٹھ تے مسیح دانور تیرے اُتے چمکے گا۔

درسی وعظ

بائبل وچوں

1- زبور 31 باب 23 (توں دو جی) آیت

23- خداوند نال پیار کرواے اوہدے سارے مقدر سو! خداوند ایمانداراں نوں سلامت رکھدا اے۔ تے مغروراں نوں واواہ بدلہ دیندا اے۔

2- یوحنا 2 باب 4 (توں آکھیا) آیت

4- یسوع نے آکھیا۔۔۔

3- یوحنا 10 باب 10 (میں)، 27 توں 29 آیتاں

10- میں ایس لئی آیا پئی اوہ حیاتی پان تے کثرت نال پان۔

27- میریاں بھیدیاں میری آواز سن دیاں نیں تے میں اوہناں نوں جان داں واں تے اوہ میرے مگر مگر ٹردیاں نیں۔

28- تے میں اوہناں نوں ہمیشہ دی حیاتی بخشداں واں تے اوہ ہمیشہ تیکر کدی ہلاک نہ ہوون گیاں تے کوئی اوہناں نوں میرے ہتھوں کھونہ لوے گا۔

29- میرا پوجنہ مینوں اوہ دیتیاں نیں ساریاں توں وڈھااے تے کوئی اوہناں نوں میرے پیو دے ہتھوں کھونہ نہیں سکدا۔

4- یوحنا 11 باب 1، 3، 4، 6، 7، 11 (ساڈا) توں 15، 20، 26 (توں)، 34 (کتھے)، 38 توں 44 آیتاں

1- مریم تے اوہدی بہن مارتھا دے پنڈبیت عنیادا العزرا نام دا اک بندہ بیمار سی۔

3- ایس لئی اوہدیاں بہناں نے اوہنوں سنیساں گھلیا پئی اے خداوند ویکھ جنہوں توں بوہت پیار کردا ایں اوہ بیمار اے۔

4- یسوع نے سن کے آکھیا پئی ایہہ موت والی بیماری نیں بلکہ رب دے جلال لئی اے تاں جو اوہدے راہیں رب دے پتردا جلال ظاہر ہووے۔

6- تہجد اوہنے سنیا پئی اوہ بیمار اے تے جتھے ہے سی اوہ تھے ای دو دن ہو رہیا۔

7- فیر اوہدے بعد چیلیاں نوں آکھیا آؤ اسی فیر یہودیہ نوں چلے۔

- 11- ساڈا پار لعزر رسوں گیا اے میں اوہنوں جگاؤن جاناواں۔
- 12- ایس لئی چیلیاں نے اوہنوں آکھیا، اے خداوند، جے اوہ رسوں گیا اے تے بچ جاوے گا۔
- 13- یسوع نے تے اوہدی موت دے بارے آکھیا سی پر اوہ سمجھے پئی آرام دی نیندر بارے آکھیا اے۔
- 14- تد یسوع نے اوہناں نوں صاف آکھ دتا پئی لعزر مر گیا اے۔
- 15- تے میں تہاڈے لئی خوش آں پئی او تھے نسئیں سی تاں جو تسی ایمان لیاؤ، پر آؤ اسی اوہدے کول چلیے۔
- 20- ایس لئی مارتھا یسوع دے آؤن دی خبر سن کے اوہنوں ملن نوں گئی پر مریم گھروچ ای بیٹھی رہی۔
- 21- مارتھا نے یسوع نوں آکھیا اے خداوند! جے توں ایہتھے ہندا تے میرا بھرانہ مردا۔
- 22- تے ہن وی میں جان دی آں پئی جو کجھ توں رب توں منگیں گا اوہ تینوں دیوے گا۔
- 23- یسوع نے اوہنوں آکھیا تیرا بھرا جی اٹھے گا۔
- 24- مارتھا نے اوہنوں آکھیا میں جان دی آں پئی قیامت دے دن وچ اخیریں دن اوہ جی اٹھے گا۔
- 25- یسوع نے اوہنوں آکھیا قیامت تے حیاتی تے میں واں۔ جیہڑا میرے اُتے ایمان لیاؤندا اے اوہ بھانویں مروی جاوے فیرو جیوندہ رہندا اے۔
- 26- تے جیہڑا جیوندہ اے تے میرے اُتے ایمان لیاؤندا اے اوہ ہمیشہ تیکر کدی نہ مرے گا۔ کیہ توں ایدے اُتے ایمان رکھدی ایں؟
- 38- یسوع فیر اپنے دل وچ دکھی ہو کے قبر کول آیا۔ اوہ اک غار سی تے اوہدے اُتے پتھر دھر یا سی۔
- 39- یسوع نے آکھیا پتھر ہٹاؤ۔ اوس مرے ہوئے بندے دی بہن مارتھا نے اوہنوں آکھیا اے خداوند! اوہدے وچوں تے ہن بو آؤندی اے کیوں جے اوہنوں چاردن ہو گئے نیں۔
- 40- یسوع نے اوہنوں آکھیا میں تینوں آکھیا سی نہ پئی جے توں ایمان لیاویں گی تے رب دا جلال ویکھیں گی؟

- 41- ایس لئی اوہناں نے اوس پتھرنوں ہٹا دتا۔ فیر یسوع نے اکھیاں چک کے آکھیاے باپ میں تیر اشکر کردا آں پئی توں میری سُن لئی۔
- 42- تے مینوں تے پتاسی پئی توں ہمیشہ میری سُن دا ایں پر اوہناں لوکاں دے پاروں جیہڑے آل دوالے کھڑے نین میں آکھیا تاں جو اوہ ایمان لیاؤن پئی توں ای مینوں گھلیاے۔
- 43- تے ایہہ آکھ کے اوہنے اُچی آواز نال آکھیا پئی اے لعزر نکل آ۔
- 44- جیہڑا مر گیا سی کفن نال ہتھ پیرنھے ہوئے نکل آیا تے اوہدا مکھڑا رومال نال لویٹیا ہو گیا سی۔ یسوع نے اوہناں نوں آکھیا ایہنوں کھول کے جان دیو۔

5- یوحنا 17 باب 1 توں 3 آیتاں

- 1- یسوع نے ایہہ گلاں آکھیاں تے اپنیاں اکھیاں اسمان ول چک کے آکھیاے باپ! اوہ ویلہ آگیاے۔ اپنے پتر دا جلال ظاہر کرتاں جو پتر تیرا جلال ظاہر کرے۔
- 2- ایس لئی تُوں اوہنوں ہر بندے اُتے اختیار دتاے تاں جو جنہاں نوں تُوں اوہنوں دتاے اوہناں ساریاں نوں ہمیشہ دی حیاتی دیوے۔
- 3- تے ہمیشہ دی حیاتی ایہہ اے پئی اوہ تینوں خدائے واحد تے برحق نوں تے یسوع مسیح نوں جنہوں توں گھلیاے جان۔

6- یوحنا 5 باب 24، 25 آیتاں

- 24- میں تہانوں سچ آکھداواں پئی جیہڑا میرا کلام سُن دا اے تے میرے گھلن والے دا یقین کر دا اے ہمیشہ دی حیاتی اوہدی اے تے اوہدے اُتے سزا دا حکم نہیں ہندا بلکہ اوہ موت توں نکل کے حیاتی وچ وڑھ گیا اے۔
- 25- میں تہانوں سچ آکھداواں پئی اوہ ویلہ آؤندا اے بلکہ ہنہا اے پئی مردے رب دے پتردی آواز سنن گے تے جیہڑے سنن گے اوہ جین گے۔

7- رومیوں 13 باب 11 (ہن اوہ) آیت

11-۔۔۔ ہن اوہ گھڑی آگئی اے پئی تسی نیندر توں جاگو کیوں جے جیس ویلے اسی ایمان لیائے سی اوس ویلے دی نسبت ہن ساڈی مکتی نیہ سڑے اے۔

8- 1 کرنتھیوں 15 باب 51 توں 54 آیتاں

- 26- سب توں پچھلا ویری جیہڑا نیست کیتا جاوے گا اوہ موت اے۔
- 51- ویکھو میں تہانوں اک بھیدی گھل آکھدا آں۔ اسی سارے تے نہیں سونواں گے پر سارے بدل جانواں گے۔
- 52- تے ایہہ اک دم وچ۔ اک پل وچ۔ پچھلا نرسنگا پھو کدیاں ای ہووے گا کیوں جے نرسنگا پھو کیا جاوے گا تے مردے غیر فانی حالت وچ اٹھن گے تے اسی بدل جانواں گے۔
- 53- کیوں جے ضرور اے پئی ایہہ فانی بدن بقا دا جامہ پاوے تے مرن والا بدن ہمیشہ دی حیاتی دا جامہ پاوے۔
- 54- تے جدوں ایہہ فانی بدن بقا دا جامہ پاوے گا تے ایہہ مرن والا بدن ہمیشہ دی حیاتی دا جامہ پاوے گا تے اوہ اکھان پورا ہووے گا جیہڑا لکھیا اے پئی موت جت دی بُرکی بن گئی۔

9- 1 پطرس 1 باب 3، 4 آیتاں

- 3- ساڈے خداوند یسوع مسیح دے رب تے پیودی وڈیائی ہووے جسے یسوع مسیح دے مردیاں وچوں جی اٹھن دے پاروں اپنی وڈھی رحمت دے راہیں ساہنوں زندہ آس لئی نویں سرے توں پیدا کیتا۔
- 4- تاں جواک غیر فانی تے بے داغ تے لازوال میراث نوں حاصل کرے۔

سائنس تے صحت

1- 27:246 (حیاتی)-31

حیاتی ہمیشہ دی اے۔ ساہنوں ایہہ لبھنی چاہیدی اے تے ایہدے توں اظہار نوں شروع کرنا چاہیدا اے۔ حیاتی تے چنگیائی لافانی نیں۔ تے آؤ اسی وجودیت دے بارے اپنے خیالاں نوں عمر تے خوف دی بجائے پیار، تازگی تے لگاتاری دے نال بنایے۔

2- 20-12:75

یسوع نے لعزرنوں آکھیا: ”ساڈا یار لعزرسوں گیا اے تے میں اوہنوں جگاؤن جاناواں۔“ یسوع نے لعزرنوں ایس فہم نال بحال کیتا پئی لعزر کدی مریا نہیں، نہ کہ ایس گل نون من دیاں ہوئے پئی اوہدا بدن مر گیا سی تے اوہ فیروی جیوندہ ہو گیا سی۔ جے یسوع ایہہ من لیندا پئی لعزرا اپنے بدن وچ جیوندہ سی یا مر گیا، تے ساڈا مالک ایمان دی بالکل اوس تھاں تے کھلوتا ہندا جتھے اوہ لوک سی جنہاں نے لعزرنوں دفنایا سی، تے اوہ اوہنوں آزاد نہ کر سکدا۔

3- 14-29، 19-13:427

موت سُننے دا اک مرحلہ اے کیوں جے وجود مادی ہو سکدا اے۔ ہستی دی ہم آہنگی وچ کوئی شے مدخلت نہیں کر سکدی تے نہ ای سائنس وچ انسان دی وجودیت نون مکاسکدی اے۔ انسان اونچ ای رہندا اے جیویں اوہ ہڈی ٹٹن یا سر لتھن توں پہلاں سی۔ جے انسان نے کدی موت اُتے فتح مند نہیں ہوندا تے کلام ایہہ کیوں آکھدا اے پئی، ”سب توں پہلا ویری جیہڑا نیست کیتا جاوے گا اوہ موت اے“؟

ایتھے تے آخرت وچ موت دے سُننے دی قیادت سیان کردی اے۔ اپنے آپ دے مادی اظہار توں سوچ ”میں مردہ آں“ پیدا ہندی اے تاں جو سچائی دے ایس چھٹکن والے لفظ نون پھڑ سکے، ”کوئی موت، بے عملی، بیماری والا عمل، رد عمل تے نہ ای شدید رد عمل اے۔“

حیاتی اصلی اے، تے موت وہم اے۔ یسوع دی راہ وچ روح دیاں اصلیتاں دا اک اظہار مادی سیان دے ہنیر ادراک وچ ہم آہنگی تے لافانیت نون حل کردا اے۔ ایس مقتدر ویلے وچ انسان دی ترجیح اپنے مالک دے لیہناں لفظاں نون ثابت کرنا اے: ”جے کوئی بندہ میرے کلام اُتے عمل کرے گا تے اوہ ہمیشہ تیکر کدی موت نون نہ دیکھے گا۔“ جھوٹے بھروسیاں تے مادی ثبوتوں دے خیالاں نون مکلن لئی، تاں جو شخصی روحانی حقیقتاں سامنے آؤن، ایہہ اک بوہت وڈھا حاصل کنندہ اے جیدے راہیں اسی غلط نون مکادیاواں گے تے سچائی نون تھاں دیواں گے۔ ایس طراں اسی سچائی دی اوس ہیکل یا بدن نون بناؤندے آں، ”جیہدا مستری یا بناؤن والا رب اے۔“

4- 24-20:46

یسوع دی موت دے بعدوں اوہدی نہ بدلن والی بدنی حالت نے ساری مادی حالتاں اُتے سر بلندی پائی تے ایس سر بلندی نے اوہدے آسمان اُتے چکے جان نوں واضح کیتا، تے بغیر غلطی دے قبر توں آگے اک امتحانی تے ترقی یافتہ حالت نوں ظاہر کیتا۔

5- 25-21:49

اوپنے ایہہ ثابت کرنا سی پئی مسیح مادی حالاتوں دے بیٹھاں نہیں اے، بلکہ انسانی غضب دی پہنچ توں اُچا اے، تے سچائی، حیاتی تے پیار دے راہیں پاپ، بیماری، موت تے قبر اُتے فتح پان دے قابل اے۔

6- 3-27:409

ساہنوں ایہہ آکھن دا کوئی حق نہیں اے پئی حیاتی ہن مادی اُتے انحصار کر دی اے پر موت دے بعد ایہہ ایہدے اُتے انحصار نہیں کرے گی۔ ایہتھے اسی حیاتی دی سائنس توں لاعلمی وچ اپنی حیاتی نہیں گزار سکدے، تے قبر توں بعد ایس لاعلمی لئی اجر دی آس نہیں رکھدے۔ لاعلمی دے اجر دے طور تے موت ساہنوں ہم آہنگ تے لافانی نہیں بنائے گی۔ جے ایہتھے اسی کر سچن سائنس اُتے دھیان نہیں دیندے جیہڑی روحانی تے ابدی اے تے اسی ایہدے بعد روحانی حیاتی لئی وی تیار نہیں ہونواں گے۔

7- 25-16:10-3:290

جے انسانی ہستی دا اصول، قانون تے اظہار گھٹ وگھٹ وی ایس توں پہلاں سمجھ نہیں جاندے جد موت دی اصطلاح بشر نوں قابو کر لیندی اے تے اوہ ایس اک واقع دی نیوں اُتے وجودیت دے درجے وچ روحانی طور تے بوہتے اُچے نہیں ہوون گے، بلکہ اوہ ایس ای مادی رہن گے جیویں اوہ ایس تبدیلی توں پہلاں سی، جیہڑے ہلے وی حیاتی دے روحانی فہم دی بجائے مادے دے راہیں، تے خود غرض تے کمتر مقصداں دے راہیں خوشی لبھن گے۔

جے تبدیلی جنہوں موت آکھیا جاندا اے پاپ، بیماری تے موت دے یقین نوں تباہ کر دیندی اے تے ایس ہار دے ویلے خوشی جت جاندی اے تے ہمیشہ لئی پکی ہو جاندی اے، پر ایس ہندوئیں اے۔ کاملیت بس کاملیت نال ای حاصل ہندی اے۔ اوہ جیہڑے ناراست نہیں اوس ویلے تیکر ناراست ای رہن گے جدوں تیکر الہی سائنس وچ مسیح یعنی سچائی سارے پاپ تے جہالت نوں مکائیں دیندا۔

پاپ تے غلطی جیہڑے ساہنوں موت دے سرہانے کھڑا کر دیندے نیں اوس ویلے ڈکدے نہیں، بلکہ ایہناں غلطیاں دی موت تیکر مستقل رہندے نیں۔

8- 13-12:291

عالمگیر مکتی ترقی تے امتحان اُتے مرکوز اے، تے ایہناں دے بغیر حاصل کرنی ناممکن اے۔

9- 13-4:296 (ترتی)

ترقی تجربے نال پیدا ہندی اے۔ ایہہ فانی انسان دی مضبوطی اے، جیدے راہیں لافانی دی خاطر فانی بندے نوں چھڈ دتا جاندا اے۔ بھانویں ایہہ یا ایہدے بعد، تکلیفاں یا سائنس نوں حیاتی تے سیان دے بارے سارے بھرماں نوں مرکا دینا چاہیدا اے، تے مادی سیان تے خودی نوں نوں سرے توں پیدا کرنا چاہیدا اے۔ پرانی انسانیت نوں اوہدے کماں دے نال منسوخ کر دینا چاہیدا اے۔ کوئی وی نفس پرستی یا پاپ آلود شے فانی نہیں اے۔ ایہہ مادے دی موت نہیں بلکہ جھوٹے مادی فہم تے پاپ دی موت ای اے جنہوں انسان تے حیاتی ہم آہنگ، اصلی تے ابدی ظاہر کر دے نیں۔

10- 31-26، 17-6:76

جد ہستی نوں سمجھ لیا جاندا اے تے حیاتی نوں نہ مادی نہ محدود دنیا جاندا اے بلکہ ایہنوں رب یعنی عالمگیر چنگیائی وانگر لامحدود سمجھیا جاندا اے، تے ایہہ ایمان تباہ ہو جاوے گا پئی حیاتی یا سیان کدی محدود شکل وچ، یا چنگیائی بدی دی شکل وچ سی۔ فیراہیہ سمجھ لیا جاوے گا پئی روح کدی مادے وچ داخل نہیں ہوئی تے ایسے لئی کدی مادے نال پروان نہیں چڑھدی۔ جد روحانی ہستی وچ تے رب دے ادراک وچ ترقی کیتی جاندا اے، تے انسان ہو ر مادے دے نال شراکت نہیں کر سکدا تے نہ ای اوہ ایہدے وچ پرت کے جاسکدا اے بالکل اونج ای جیویں اک رکھ پرت کے وچ وچ نہیں جاسکدا۔ نہ ای انسان بدنی و کھالی دیوے گا بلکہ اوہ اک انفرادی شعور ہووے گا جیہڑا خیال دے طور تے نہ کہ مادے دے طور تے الہی روح والی خصلت رکھدا اے۔

وجودیت دی ایہہ حالت سائنسی اے تے ہر ویلے برقرار رہندی اے، یعنی جیہی کمالیت جیہڑی بس اوہناں لوکاں دی سمجھ وچ آؤندی اے جنہاں نوں الہی سائنس وچ مسیح دی ساری سمجھ اے۔ موت وجودیت دی ایس حالت نوں کدی تیز نہیں کر سکدی کیوں جے لافانیت دے ظاہر ہوون توں پہلاں موت توں جتناں چاہیدا اے نہ کہ اوہدے حوالے ہو جانا چاہیدا اے۔

11- 23-16:254

نفسی دور وچ، پوری کر سچن سائنس نوں اوس تبدیلی توں پہلاں حاصل نہیں کیتا جاسکدا جنہوں موت داناں دتا گیا اے، کیوں جے جنہوں اسی سمجھ نہیں سکدے اوہنوں ظاہر کرن دی طاقت ساڈے وچ نہیں اے۔ پر انسانی خودی نوں انجیلی تبلیغ ملنی چاہیدی اے۔ آج رب ساڈے توں ایس کم نوں منن تے جلدی نال عملی طور تے مادی نوں ترک کرن تے روحانی اُتے عمل کرن دا مطالبہ کردا اے جیدے توں بیرونی تے اصلی دا اندازہ ہندا اے۔

12- 12-11:492

ایس لئی ترقی ساری غلطی نوں تباہ کرے گی تے لافانیت نوں لو وچ لیاوے گی۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں د ااک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کرداے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانو اں بن دااے۔ ایس چرچ دے سارے رکن اں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ اانصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔